

VOR
2018

Bókatiðindi



Barnabækur



VÆNTANLEG Í MAÍ

KIL

Alein úti í snjónum

Holly Webb

Þýð.: Ívar Gissurarson

Dúna litla reynir í örvæntingu að eignast heimili en enginn virðist vilja eiga hana ...

Þá kemur Ella í heimsókn. Hún verður strax hrifin af Dúnu en mamma hennar er ákveðin – hún vill ekki kött.

Dúna og Ella verða ákaflega sorgmæddar. En hvað verður svo um kettlinginn sem enginn vill eiga?

Þetta er fyrsta bók breska rithöfundarins Holly Webb í íslenskri þýðingu en bækur hennar hafa notið gríðarlegra vinsælda um allan heim.

128 bls.

Nýhöfn



VÆNTANLEG Í MAÍ

HSP

Einar Áskell

Einar Áskell leikur sér

Vinir Einars Áskels


Gunilla Bergström

Þýð.: Sigrún Árnadóttir

Hinn ástsæli Einar Áskell hefur kætt ótal íslensk börn og hér er hann kominn enn á ný í skemmtilega myndskreyttum bendibókum fyrir þau yngstu. Það er nóg að gera hjá snáðanum þar sem hann dundar sér við skemmtilega leiki og fönður, einn eða með vinum sínum.

12 bls.

Forlagið – Mál og menning



Ekki er allt sem sýnist

Štipánka Sekaninová

Þýð.: Huginn Þór Grétarsson

Myndskr.: Jakub Cenk

Við getum öll orðið hrædd. En þá er gott að doka við og skoða aðstæður í ró og næði. Er læknirinn virkilega vondur? Erú kolkraðar í tjörninni? Er ófreskja úti í óveðrinu? Með því að toga í flipann er hægt að skoða málin nánar og þannig öðlast betri skilning á því hvernig hlutirnir eru í raun og veru. Ræðið ranghugmyndir sem börn kunna að hafa og vinnið saman á hræðslunni sem þeim fylgir.

12 bls.

Óðinsauga útgáfa



Ég er ekki myrkfælinn

Helena Haraštov

Þýð.: Huginn Þór Grétarsson

Myndskr.: Jakub Cenk

Það er nótt og litill strákur sem heitir Tumi er nývaknaður. Hvað er þetta inni í herberginu hans? Er þetta eitthvað hræðilegt? Eða eru þetta bara leikföngin hans? Kveiktu á ljósinu með því að toga í flipann og þá sérðu hvað þetta er! Tommi hjálpar börnum að losna við hræðsluna við myrkrið.

12 bls.

Óðinsauga útgáfa



Ég get lesið – léttlestrarbækur

Gosi

Grísirnir þrír

Gullbrá

Mjallhvít

Þýð.: Huginn Þór Grétarsson

Ég get lesið léttlestrarbækurnar byggja á fjórum mismunandi erfiðleikastigum eftir því hvar börnin eru stödd í lestri. Þessi sígildu ævintýri eru fallega myndskreytt og endursögð til að styðja við lestrarþjálfun.

Óðinsauga útgáfa

IB



Freyja og Fróði

Freyja og Fróði eignast gæludýr

Freyja og Fróði rifast og sættast

Kristjana Friðbjörnsdóttir

Myndir: Bergún Íris Sævarsdóttir

Freyju og Fróða langar í gæludýr og hafa ýmsar góðar hugmyndir – þótt sumar séu kannski þínulítið hættulegar. Og þótt systkinin séu oftast góðir vinir slettist stundum upp á venskapinn. Þá er gott að kunna leiðir til að róa skapið og sættast aftur. Tvær fjörugar bækur um Freyju og Fróða sem eru alltaf að læra eitthvað nýtt.

32 bls.

Forlagið – JPV útgáfa

IB



Hvernig gleðja á pabba

Jean Reagan

Þýð.: Björgvin E. Björgvinsson

Bókin fjallar um hvernig knáir krakkar geta komið pabba sínum á óvart við hin ýmsu tækifæri. Til þess að það heppnist sem best þarf gott hugmyndaflug, mikla framkvæmdagleði og auga fyrir því sem á vegi verður. Svo þarf að kunna að virkja alla í fjölskyldunni. Kímin og kátleg „Hvernig-bók“.

28 bls.

Bókaútgáfan Björk

IB



Hulduheimar

Hafmeyjarif

Skýjaeyjan

Rosie Banks

Þýð.: Arndís Þórarinsdóttir

Skemmtilegu sögur af spennandi ævintýrum þeirra Evu, Sólrúnar og Jasmín í Hulduheimum hafa öðlast miklar vinsældir meðal íslenskra barna og hér eru tvær nýjar léttlestrarbækur um vinkonurnar hugrökku og átök þeirra við Nöðru drottningu og illþýði hennar.

112 bls.

Forlagið – JPV útgáfa

KIL



Ísland á HM

Rússland 2018

Gunnar Helgason

Hvað segja landsliðsmennirnir okkar um HM og hver er saga keppinnar? Hver eru óvæntustu úrslit íslenska landsliðsins og hvernig var leið þess á HM í Rússlandi? Hvaða æfingar er gott að gera til að verða betri í fótbolta? Og hvað ætli Jón Jónsson úr Víti í Vestmannaeyjum sé að gera núna? Þessi fjöruga bók eftir Gunnar Helgason geymir allt þetta og margt fleira og stýttir biðina eftir HM í sumar!

56 bls.

Forlagið – Mál og menning

SVK



Kormákur krummafótur

Jóna Valborg Árnadóttir

Myndir: Elsa Nielsen

Kormákur er duglegur strákur. Hann klæðir sig meira að segja alveg sjálfur. Mamma og Kormákur eru hins vegar ekki alltaf sammála. Það getur valdið vandræðum. Óteljandi skór hrúgast upp og mamma fær hugmynd sem á eftir að breyta öllu.

Kormákur krummafótur er falleg saga um dreng sem vill fara sínar eigin leiðir.

28 bls.

Bókaútgáfan Salka

IB



Lítill prinsessa

Ég vil mömmu!

Ég vil pabba!

Tony Ross

Tvær glænýjar bækur um Litlu prinsessuna sem börnin þekkjá úr sjónvarpinu. Í bókinni *Ég vil mömmu!* þarf hún að takast á við það að vera fjarri móður sinni heila nótt. Og í *Ég vil pabba!* veltir hún fyrir sér af hverju pabbi hennar sé ekki meira eins og pabbar vina hennar sem allir virðast svo hressir og klárir.

32 bls.

Óðinsauga útgáfa



Lærðu að láta þér líða vel og vera í jafnvægi

Judith M. Glasser og Kathleen Nadeau

Þýð.: Gyða Haraldsdóttir

Bókin er skrifuð fyrir krakka sem eiga erfitt með tilfinningastjórnun en glíma e.t.v. líka við áhyggjur, hvatvísi, vanlíðan, lítið sjálfstraust og ónóga samskiptafærni. Bókin gefur börnum hagnýt ráð og kennir aðferðir til að átta sig á vandanum, koma auga á styrkleika og veikleika í eigin fari og finna lausnir. Foreldrar fá líka leiðbeiningar um hvernig þeir og aðrir fullorðnir geta stutt börnin í að taka á erfiðleikum sínum.

128 bls.

Skrúdda

SVK



Bernskubrek Ævars vísindamanns

Ofurhetjuviddin

Ævar Þórir Benediktsson

Myndir: Rán Flygenring

Ofurhetjuviddin er fjórða bókin í bókaflökknum um bernskubrek Ævars vísindamanns. Þegar hinn 12 ára gamli Ævar sagast yfir í annan heim þar sem allir eru ofurhetjur þarf hann að taka á honum stóra sínum ef hann ætlar að komast aftur til baka. En langar hann aftur heim til sín? Og hvers vegna eru hetjur byrjaðar að hverfa? Ævispennandi og ofurfyndin ævintýrabók fyrir alla krakka.

200 bls.

Forlagið – Mál og menning



Óvættafór 30

Þöddudrottningin Amiktus

Adam Blade

Þýð.: Árni Arnason

Í síðustu bókinni í flokknum *Óvættafór* liggur leið Toms um frumskóg þar sem hann þarf að sigrast á slóttugum óvætti, Amiktusi. En hvaða möguleika á Tom gegn snerpu óvættarins? Og hvert er leyndarmálið sem faðir hans og Aduro töframaður hafa haldið leyndu fyrir honum?

120 bls.

IDNÚ útgáfa

KIL



Blíða og Blær

Saga tveggja töfraanda

Þýð.: Stefán Már Magnússon


Komdu með Blíðu og Blævi í töfraferð!

Töfraandarnir tveir þurfa að búa til töfraandaflösku handa nýja vini sínum og treysta því að töfraspegillinn komi henni á réttan stað.

24 bls.

Töfraland – Bókabeitan

IB



Skrifum og þurrkum út

Skrifum stafina

Jessica Greenwell

Skemmtileg bók fyrir krakka sem eru að læra að skrifa stafina. Krakkarnir nota tússpennann til þess að spora stafina og teikna inn á myndirnar í bókinni – aftur og aftur – og þjálfast í að halda á penna. Bók sem hægt er að njóta lengi því hægt er að þurrka út og byrja upp á nýtt.

20 bls.

Rósakot

SVK



Hvolpasveitin

Stóra bókin um Hvolpasveitina

Nickelodeon

Þýð.: Hildigunnur Þráinsdóttir

Viltu kynna Róberti og ferfættu hetjunum í Hvolpasveitinni? Kappa með gjallarhornið, ofurhuganum Pílu og öllum hinum hvolpunum.

Þetta er bókin um hvolpana, farartækin þeirra og alla sigrana!

24 bls.

Töfraland – Bókabeitan

IB



Þriggja heima saga

Draugsól

Kjartan Yngvi Björnsson og Snæbjörn Brynjarsson

Draugsól er fjórða bókin í bókaflökknum Þriggja heima saga en fyrri bækurnar, *Hrafnasaga*, *Draumsverð* og *Ormstunga*, hafa allar hlotið frábærar viðtökur. Hér er á ferðinni fantasíubókaflökkur sem á engan sinn líka hér á landi. „... fullvaxin fantasía fyrir allan aldur ... Miðað við endi þessarar sögu er augljóst að það mun draga til verulegra tíðinda í næstu bók. Við biðum í ofvæni.“ FB / Fbl. (um *Ormstungu*)

624 bls.

Forlagið – Vaka-Helgafell

KIL

RAF



Módel í dulargervi

Glæpur í tiskuheiminum

Carina Axelsson

Þrátt fyrir langa fætur og fjölskyldu sem er gagntekin af tiskunni þá vill Axelle bara leysa ráðgátur. Þegar stjörnuhönnuðurinn Belle hverfur þá nýtir Axelle tækifærið til að fara í dulargervi sem módel til að leysa málið.

Hinn æðislegi Sebastian er henni til aðstoðar og er Axelle í kappi við klukkuna við að leysa ráðgátuna í miðri tiskuvíkunni í París ...

Spennusaga fyrir unglinga.

Tindur

KIL



Vetrarfrí


Hildur Knútsdóttir

Vetrarfrí og *Vetrarhörkur* eru meðal vinsælustu ungmenntabóka sem íslenskur höfundur hefur sent frá sér og hér kemur fyrri bókin út í kilju. Sagan hefst í vetrarfríinu þegar systkinin Bergljót og Bragi fara með pabba sínum í sumarbústað. En allt fer á versta veg þegar furðuleg plága brýst út og enginn hugsar um neitt annað en að bjarga lífi sínu. Hildur var tilnefnd til Íslensku bókmenntaverðlaunanna fyrir báðar bækurnar og hlaut þau fyrir þá síðari.

264 bls.

Forlagið – JPV útgáfa

KIL EÚT



261 dagar

Kristborg Bóel

Fjörutíu og tveggja ára sjálfstæð fjögurra barna móðir skilur við seinni barnsföður sinn í kjölfar erfiðrar ákvörðunar. Til að koma sér í gegnum hvern dag skrifar hún dagbók. Dagbók sem spannar tvö hundruð sextíu og einn dag frá þessum örlagaríka degi.

416 bls.

Björt bókaútgáfa – Bókabeitan

KIL



Allavega

Erna Agnes Sigurgeirsdóttir

Persónuleg · fyndin · raunsæ · berorð · grátbrosleg · heiðarleg

Ung kona glímur við að koma böndum á hugsun sína og líf. Hvernig er hægt að ná tökum á sjálfri sér? Niðurstaða hennar er sú að lykillinn að lífshamingjunni felist í því að vera góð manneskja. *Allavega* er ekki sjálfs-hjálparbók, ekki skáldsaga, og þó!

Forlagið

RAF



Allt sundrast

Chinua Achebe

Þýð.: Elís Björg Þorsteinsdóttir

Skáldsagan *Allt sundrast* eftir nígeríska höfundinn Chinua Achebe (1930–2013) er talin höfuðrit afrískra nútímabókmennta. Hún segir sögu hins óttalausa Igbo-stríðsmanns Okonkwo í upphafi nýlendutímans þegar ágengir Evrópumenn ógna heimi ættflokka á svæðinu.

Allt sundrast hefur verið þýdd á 58 tungumál og selst í yfir 20 milljónum eintaka.

272 bls.

Angústúra

KIL



Átta fjöll

Paolo Cognetti

Þýð.: Brynja Cortes Andrésdóttir

Einstæð saga um sterka og einlæga vináttu tveggja drengja með ólíkan bakgrunn, uppvöxt þeirra og samband sem þróast í árunna rás. Þótt leiðir þeirra skilji og Bruno verði um kyrrt í fjöllum en Pietro flakki um heiminn slitnar bandið sem tengir þá aldrei. *Átta fjöll* hlaut Strega-verðlaunin, virtustu bókmenntaverðlaun Ítala, árið 2017.

233 bls.

Forlagið – Mál og menning

KIL RAF



Blóðengill

Óskar Guðmundsson

Á frosthörðum vetrardegi hringir kornung stúlka í Neyðarlínuna og tilkynnir að móðir hennar sé látin. Þegar rannsóknarlögreglukonan Hilma kemur á staðinn er þar ekkert að finna nema blóðbletti.

HILMA, fyrsta bók Óskars Guðmundssonar, hlaut Blóðdropann árið 2016 sem besta glæpasagan.

363 bls.

Bjartur

KIL



Dóra Bruder

Patrick Modiano

Þýð.: Sigurður Pálsson

Patrick Modiano hlaut Nóbelsverðlaunin 2014. Þessi skáldsaga tengist honum persónulega, því viðfangs-efnið, týnda stúlkan Dóra Bruder, kallar fram minningar frá liðnum tíma. Þetta ferðalag er í senn undursamlegt og skelfilegt.

163 bls.

Forlagið – JPV útgáfa

KIL RAF



Elín, ýmislegt

Kristín Eiríksdóttir

Þegar Elín fer að vinna við sýningu á nýju leikriti eftir unga vonarstjörnu, Ellen Álfisdóttur, vitjar fortíðin hennar. Leiðir þeirra hafa áður legið saman þótt önnur muni ekki eftir því og hin sé í þann veginn að gleyma því. Áhrifamikil saga um ofbeldi og áföll, vald og gleymsku. Fyrir hana fékk Kristín bæði Fjöruverðlaunin og Íslensku bókmenntaverðlaunin.

182 bls.

Forlagið – JPV útgáfa

KIL EÚT



Englar Hammurabis

Max Seeck

Þýð.: Sigurður Karlsson

Starfsmaður finnska sendiráðsins í Zagreb hverfur í kjölfar hótana. Daniel Kuisma og Annika Lehto eru send til að grafast fyrir um afdrif landa síns. Brátt finna þau þræði sem liggja inn í hrylling Balkanstríðsins. Hvað gerðist raunverulega fyrir tuttugu árum? Hverjir eru Englar Hammurabis og hver vill þá feiga?

456 bls.

Forlagið – JPV útgáfa

KIL RAF



Ég er að spá í að slúttu þessu

Iain Reid

Þýð.: Árni Óskarsson

Jake og kærasta hans heimsækja foreldra hans sem búa á frekar afskekktum bóndabæ. Spennuþrungin og taugatrekkjandi saga um ökuferð sem endar með skelfingu. Bókin hefur slegið rækilega í gegn víða um heim og leikstjórninn Charlie Kaufman vinnur nú að stórmynd eftir sögunni.

218 bls.

Veröld

KIL



Ég gef þér sólina

Jandy Nelson

Þýð.: Marta Hlín Magnadóttir

Tvívurarnir Noah og Jude eru náin en gjörólik – annað kys einveruna en hitt er umkringt vinum og kunningjum. Harmleikur leggur líf þeirra í rúst og stíar þeim í sundur. Til að komast yfir sorgina og verða heil á ný þurfa þau að styrkja böndin sín á milli og raða saman brotunum.

338 bls.

Björt bókaútgáfa – Bókabeitan

KIL



Fléttan

Laetitia Colombani

Þýð.: Ólöf Pétursdóttir

Þrjár konur, þrjú líf, þrjár heimálfur. Þessar konur eiga það sameiginlegt að neita að gefast upp fyrir örlögum sínum og andstreymi. Þær ákveða að berjast fyrir sínu og svo fer að þræðir þeirra fléttast saman.

224 bls.

Forlagið – JPV útgáfa

KIL RAF



Flúraða konan

Mads Peder Nordbo


Þýð.: Ingunn Snædal

Lík af fornum víkingi finnst í Grænlandsjökli en skömmu síðar hverfur líkið og lögreglumaður finnst myrtur. Morðið virðist tengjast óleystum morðmálum frá árinu 1973. Bláðamaður fer að rannsaka málið með aðstoð ungrar konu sem var að losna úr fangelsi fyrir að hafa myrt föður sinn.

357 bls.

Veröld

KIL



Fyrir fallið

Noah Hawley

Þýð.: Ísak Harðarson

Í sumarþöku síðla kvölds hrapar einkaþota á leið til New York með 11 manns innanborðs. Þeir einu sem komast af eru 4 ára drengur, erfingi ótrúlegra auðæfa, og listmálari. Var þetta slys eða voru einhver myrkra-öfl að verki? Noah Hawley er höfundur sjónvarps-þáttaraðarinnar Fargo.

464 bls.

Forlagið – JPV útgáfa

KIL RAF



Guð hins smáa

Arundhati Roy

Þýð.: Ólöf Eldjárn

Þessi stórbrotna, hlýja og seiðandi verðlaunaskáldsaga frá Indlandi kom fyrst út fyrir rúmum tuttugu árum og snerti hugi og hjórtu lesenda víða um heim – einnig hér á landi, en hún kom út í íslenskri þýðingu árið 1998. Bókin er nú endurúttefin í tilefni þess að höfundurinn hefur loks sent frá sér aðra skáldsögu sem nefnist *Ráðuneyti æðstu hamingju*.

336 bls.

Forlagið – Mál og menning

KIL RAF EÚT



Haust í Skírisskógi

Þorsteinn frá Hamri

Þessi fjórlega skáldsaga Þorsteins frá Hamri kom fyrst út 1980; óvenjuleg ævintýrasaga ofin úr litríkum þráðum úr sögu og samtið. Bókin er gefin út á ný í tilefni þess að sextíu ár eru liðin frá því að fyrsta ljóðabók Þorsteins kom út og sjálfur hefði hann orðið áttæður í ár, en hann lést í ársbyrjun. Hermann Stefánsson skrifar inngang að sögunni.

153 bls.

Forlagið

KIL EÚT RAF



Hin órólegu

Linn Ullmann

Þýð.: Ingibjörg Eypórsdóttir

Óvenjuleg og áhrifamikil saga um börn sem vilja verða fullorðin og fullorðna sem helst vilja vera börn. „Einn besti rithöfundur Noregs skrifar frábæra og töfrandi bók um sína frægu foreldra og eigin uppvöxt.“

VG, Noregi

315 bls.

Bjartur

KIL



Hinir smánuðu og svívirtu

Fjodor Dostojevskí

Þýð.: Gunnar Þorri Pétursson og Ingibjörg Haraldsdóttir

Viðburðarík skáldsaga frá 1861; saga um gæsku og illsku, ástir, svik og stéttaskiptingu – og samspil alls þessa í lífi eftirminnilegra sögupersóna. Ingibjörg Haraldsdóttir (d. 2016) þýddi mörg helstu skáldverk Dostojevskís og hóf þýðingu þessarar bókar en varð frá að hverfa. Við tók Gunnar Þorri Pétursson sem lauk verkinu, ritaði skýringar og eftirmála.

555 bls.

Forlagið

KIL RAF



Íslenski draumurinn


Guðmundur Andri Thorsson

Er íslenski draumurinn skjótfenginn auður og frægð – eða er hann tómst strit? Snýst hann um að sýnast annað en maður er? Alvara, grín, íhygli og óvæntar líkingar einkenna þessa hressilegu sögu Guðmundar Andra, sem í grunninn fjallar um vináttu og svik. Bókin kom fyrst út 1991 og hlaut afar góðar viðtökur. Jón Yngvi Jóhannsson skrifar formála nýrrar útgáfu.

229 bls.

Forlagið

KIL EÚT



Kapítóla

E.D.E.N. Southworth

Þýð.: Eggert Jóhannsson

Sagan um uppreisnargjörnu strákastelpuna Kapítólu, karlauskinn Fellibyl, sem reynir að gera hana að hefðardömu, ræningjaforingjann svarta Donald og öll hin hefur heillað lesendur í meira en eina öld og hér er hún enn komin. Silja Aðalsteinsdóttir sá um útgáfuna og ritar eftirmála.

552 bls.

Forlagið

KIL RAF EÚT



Keisarakokteillinn

Ragnar Arnalds

Keisarakokteillinn gerist í fjármálahruninu 2008. Friðrik stórkaupmaður hefur fjárfest af miklum dugnaði í hlutabréfum bankanna undanfarin ár ásamt vini sínum, Bjarti söngvara. En snögglega blasir við þeim sú grátlega staðreynd að bankarnir eru komnir í þrot og hlutaféð verðlaust. Þeir ákveða því í örvæntingu og fjármálavandræðum að rétta við fjárhaginn með því að senda unga stúlku til Parísar til að sækja þangað mikið magn af fíkniefnum. Í fyrstu gengur allt að óskum.

Höfundur er fyrrverandi þingmaður og ráðherra.

280 bls.

Tindur

KIL



Konan í glugganum

A.J. Finn

Þýð.: Friðrika Benónýsdóttir

Anna Fox ráfar um húsið sitt, týnd í minningum um hamingju sem var, stígur aldrei út undir bert loft en fylgist með nágrönnunum út um gluggana. Ný fjölskylda flytur í götuna og eitt kvöldið verður Anna vitni að atviki sem enginn átti að sjá – eða sá hún það í raun og veru? Mun einhver trúá henni? Ævispennandi saga sem ekki er hægt að leggja frá sér.

458 bls.

Forlagið – JPV útgáfa

KIL RAF



Krítarmaðurinn

C. J. Tudor

Þýð.: Ingunn Snædal

Þegar Eddie var tólf ára komu vinirnir leynilegum skilaboðum hver til annars með krítarteikningum – allt þar til figúrunar leiddu þá að líki ungrar stúlku.

C.J. Tudor sló í gegn með þessum magnaða sálfræðitrylli. „Stórkostleg frumraun hjá ótrúlega hæfileikaríkum höfundi.“ Sunday Mirror

316 bls.

Bjartur

KIL



Krókaleiðir hamingjunnar

P.Z. Reizin

Þýð.: Herdís Magnea Hübner

Þið, Tom og Jen, þekktist ekki – ennþá – en ég held að þið ættuð að kynast og þessum pósti er ætlað að reyna að koma því til leiðar.


Kveðja, Sameiginlegur vinur.

Rómantísk, glettin og einstaklega ljúf.

386 bls.

Björt bókaútgáfa – Bókabeitan

KIL



Köld slóð

Emelie Schepp

Þýð.: Kristján H. Kristjánsson

Á köldu desemberkvöldi staðnæmist hraðlestin frá Kaupmannahöfn til Stokkhólms á aðalstarstöðinni í Norrköping. Ung kona finnst látn um borð og reynist hún vera með eiturlyf innvortis. Ferðafélagi hennar, önnur ung stúlka, er horfin sporlaust út í myrkrið. Jana Berzelius saksóknari fær málið til rannsóknar og fyrr en varir flækist hún í atburðarás þar sem skuggaleg leyndarmál fortíðar hennar minna á sig.

396 bls. / 9:53 klst.

mth útgáfa

Hljóðbók frá Hljóðbók.is

KIL HLB



Lífið heldur áfram

Winnie M Li

Þýð.: Herdís Hübner

Sérlega áhrifamikil og spennandi saga, byggð á reynslu ungrar bandarískrar konu sem fimmtán ára unglingur nauðgaði í Vestur-Belfast á Norður-Írlandi árið 2008. Þessi skelfilegi ofbeldisatburður gerðist á björtum vordegi þegar hún var í gönguferð í nágrenni borgarinnar. Höfundur bókarinnar, Winnie M Li, skrifar söguna út frá reynslu sinni, en einnig frá sjónarhóli Johnnys, piltsins sem framdi glæpin. Bókin er því í raun saga þeirra beggja og því að hluta skáldsaga.

340 bls.

Almenna bókafélagið

KIL



Lífsnautnin frjóa

Anne B. Ragde

Þýð.: Silja Aðalsteinsdóttir

Fimmta sagan í hinum geysivinsæla bókaflakki um Neshov-fjölskylduna. Torunn starfar með Margido á útfararstofunni og gerir upp gamla húsið á Neshov. Og í Danmörku eru Erlend og Krumme líka að gera upp hús fyrir sig, börnin þrjú og barnsmæðurnar. Og á elliheimilinu situr Tormod með leyndarmál sín ...

Kærkomin bók fyrir alla aðdáendur Ragde.

325 bls.

Forlagið – Mál og menning

KIL RAF



Lukkuriddarinn

Jan-Erik Fjell

Þýð.: Atli Steinn Guðmundsson

Bífvélavirki finnur bein úr mannshendi í undirvagninum á gömlum Cadillac. Rannsóknarlögreglan sendir Anton Brekke til Fredrikstad til að rannsaka manndráp þar sem miðaldra kona er fórnarlambið.

442 bls.

Björt bókaútgáfa – Bókabeitan

KIL



Mistur

Ragnar Jónasson

Mistur eftir Ragnar Jónasson var ein mest selda bók ársins 2017, hlaut einróma lof gagnrýnenda og bóksalar völdu hana sem eina af þremur bestu skáldsögum ársins. „Spennandi og vel fléttuð saga, tvímælaust besta bók höfundar.“ Brynhildur Björnsdóttir, Fréttablaðinu

256 bls.

Veröld

KIL EÚT



Myrkrið veit

Arnaldur Indriðason

Óupplýst mannhvarf fyrir þrjátíu árum kemst aftur í fréttir þegar lík finnst frosið fast í ísinn á Langjökli. Málið hefur alla tíð ásótt Konráð, lögreglumanninn sem rannsakaði það í upphafi, og nú er hann kallaður til. Margbrotin glæpasaga um eitruð leyndarmál sem tím-inn færir um síðir upp á yfirborðið. Mögnuð bók eftir vinsælasta höfund landsins.

283 bls.

Forlagið – Vaka-Helgafell

KIL EÚT



Njósnaðinn

Paulo Coelho

Þýð.: Kristín Svava Tómasdóttir

Þegar Mata Hari kom til Parísar var hún allslaus en ekki leið á löngu þar til hún var lofsungin sem helsta glæskvendi borgarinnar. Hún bæði heillaði og hneykslaði, átti aðdaendur á æðstu stigum samfélagsins. Ögleymanleg saga af konu sem þorði að brjóta siðalögmál samtímans og þurfti að gjalda fyrir það. Paulo Coelho hefur hlotið fjölmörg verðlaun og viðurkenningar fyrir verk sín.

173 bls.

Forlagið – JPV útgáfa

KIL RAF



Óvelkomni maðurinn

Jónína Leósdóttir

Óvelkomni maðurinn er þriðja sagan um eftirlaunaþegann Eddu sem leysir flókin glæpamál á milli þess sem hún gerir sitt besta sem mamma og amma. Hér fellur þekktur athafnamaður fram af svölum við Birkimel og sömu nótt kveikir grandvar snyrtifræðingur í íbúð sinni. Bæði málin tengjast Eddu og hún getur ekki annað en grennslast aðeins fyrir um þau. „Edda er frábær karakter og allt galleríð í kringum hana er skemmtilegt.“ ÞT/Kiljan

296 bls.

Forlagið – Mál og menning

KIL RAF



Óþægileg ást

Elena Ferrante

Þýð.: Brynja Cortes Andrésdóttir

Móðir Deliu finnst liðið lík í sjónum við baðstað þar sem fjölskyldan hafði stundum farið í sumarfrí. Í kjölfarið þarf Delia að svara knýjandi spurningu: Hver var eiginlega móðir hennar?

Fyrsta skáldsaga Eleni Ferrante sem hlotið hefur heimsfræð fyrir Napólí-fjórleik sinn.

190 bls.

Bjartur

KIL RAF



Ráðuneyti æðstu hamingju

Arundhati Roy


Þýð.: Árni Óskarsson

Eftir tveggja áratuga bið kemur loks ný og mögnuð skáldsaga frá höfundi metsölubókarinnar *Guð hins smáa*. Hér er sagt frá fólki í felum, hundeltu fólki og útskúfuðu, og söguþráðurinn vindur sig frá öngstrætum Gömlu-Delhi til fjallanna og dalanna í hinu stríðshrjáða Kasmír. Ágeng, gáskafull og átakanleg saga þar sem mannlífið sjálft er undir smásjá.

480 bls.

Forlagið – Mál og menning

KIL RAF



Rof


Ragnar Jónasson

Árið 1955 flytja tvenn ung hjón til Héðinsfjarðar sem farinn er í eyði. Önnur kvennanna deyr með dularfullum hætti. Hálfri öld síðar finnst gömul ljósmynd sem bendir til þess að hjónin hafi ekki verið ein í firðinum. „Bækur Ragnars hafa blásið nýju lífi í norrænu glæpasöguna.“ Sunday Express

312 bls.

Veröld

KIL EÚT



Sakramentið

Ólafur Jóhann Ólafsson

Sakramentið eftir Ólafur Jóhann Ólafsson var ein af metsölubókum ársins 2017 og hlaut einróma lof. „Frábærlega teiknaður karakter ... Minnisstæðasta sem ég hef lesið í þessu flóði. ... Verður ekki toppað. ... Fantagóð bók.“ Þorgeir Tryggvasson, Kiljunn

294 bls.

Veröld

KIL EÚT



Samfedra

Steinunn G. Helgadóttir

Þegar móðir Janusar deyr kemst hann að því að hann á ellefu hálfsystkini á svipuðu reki sem hann hefur aldr-ei hitt. Hann leggur upp í hringferð um landið til að kynnast þeim – en hvernig bregðast þau við því að hitta bróðurinn? Listilega spunnin saga í gráglettnum stíl, eftir höfund sem hlotið hefur Fjöruverðlaunin og fleiri viðurkenningar fyrir verk sín.

271 bls.

Forlagið – JPV útgáfa

KIL RAF



Stormfuglar

Einar Kárason

Íslenskur togari er á veiðum úti á reginhafi um miðjan vetur þegar aftakaveður brestur á. Gríðarleg ísing hleðst á skipið og áhöfnin verður að berjja klakann í nístandi frosti og stórsjó. Baráttan er upp á líf og dauða: í talstöðinni glymja neyðarköll annarra skipa. Spennuþrungin áttasaga byggð á sönnnum atburðum eftir sagnameistarann Einar Kárason.

124 bls.

Forlagið – Mál og menning

IB RAF



Sumar í Litla bakaríinu við Strandgötu

Jenny Colgan

Þýð.: Ingunn Snædal

Sumarlesningin í ár! Sjálfstætt framhald af *Litla bakaríinu við Strandgötu* sem sló í gegn á síðasta ári. Polly Waterford býr í víta í breskum smábæ ásamt hunangsbóndanum Huckle og lundanum Neil. Þegar eigendur bakarísins sem hún rekur heimta meiri hagnað á kostnað gæða þarf Polly að hugsa allt upp á nýtt. Hugljúf og heillandi saga eftir skoska metsöluhöfundinn Jenny Colgan.

424 bls.

Angústúra

VÆNTANLEG

KIL



Tinder-match

Hördur Andri Steingrímsson

Hann finnur hana á stefnumótaforritinu. Þau eru match. Svo byrja þau að tala saman. Djarft. En vill hann hitta hana? Er hún of ung fyrir hann? Og ætlar hún aldrei að ná úr sér þessari pest sem hún talar endalaust um? *Tinder-match* er spennandi nívella úr samtímanum um netsamtal sem vindur upp á sig; ástina, gredduna og einmanaleikann. Hördur Andri Steingrímsson hefur gefið út tvær ljóðabækur og birt smásögu í tímaritinu *Stínu*.

Forlagið

RAF



Undir yfirborðinu

Tanja Rasmussen

Lena er laus úr ofbeldissambandi, en aðeins að nafninu til. Í huganum og í draumum sínum er hún ennþá föst og hefur verið brotin niður svo rækilega að hún getur ekki risið upp. Ekki fyrir en hún hleypir Övu inn í líf sitt, Övu sem brosir til allra og ansar engum mótbárum. *Undir yfirborðinu* er grípandi nívella eftir Tönju Rasmussen, tvítugan háskólanema og stofnanda bókaútgáfunnar Kalliöpu.

Forlagið

RAF



Uppruni

Dan Brown

Þýð.: Ingunn Snædal

Robert Langdon er mættur á Guggenheim-safnið í Bilbaó, þar sem Edmond Kirsch, heimspekkur tölvuséni og frumkvöðull, hefur boðað vísindalega uppgötvun sem muni skelja trúarlegan grundvöll kristinna manna. „Hringiða stórra hugmynda og stanslaus spenna.“

New York Times

585 bls.

Bjartur

KIL

RAF



Vegurinn heim lengist með hverjum morgni

Fredrik Backman

Þýð.: Jón Danielsson

Nói og afi hans geta rætt um allar lífsins gátur en heimur afans er að breytast, hann verður sífellt óreiðukenndari og það verður honum æ erfiðara að kalla fram minningarnar. Það rennur upp fyrir þeim að brátt þurfi þeir að kveðjast. Einstök bók eftir höfund *Maður sem heitir Ove*.

70 bls.

Veröld

IB



Það sem að baki býr

Merete Pryds Helle

Þýð.: Magnea J. Matthíasdóttir

Grípandi og dramatísk saga Marie, sem elst upp á dönsku eyrni Langeland á kreppu- og stríðsárunum í fátækri fjölskyldu þar sem matur og hjartahlýja eru af skornum skammti. Hún fer svo til Kaupmannahafnar í leit að nýrri og bjartari framtíð – en Langeland fylgir henni. Sagan hlaut Bókmenntaverðlaun Politiken og Gylltu lærviðarlaufin 2016.

413 bls.

Forlagið – Mál og menning

KIL

RAF



Þar sem áin streymir

Norman Maclean

Þýð.: Skúli Björn Gunnarsson

Áhrifamikil og einstök saga eftir einn af meisturum smásögunnar. Vatnsföll mynda ramma um verkið og höfundur beitir tungutaki fluguveiðimanna við að lýsa lífinu. Ljóðræn og falleg frásögn sem hreyfir við lesendum, ekki síst þeim sem hafa fengist við fluguveiðar.

163 bls.

Dimma

SVK



Þetta er Alla

Jon Fosse

Þýð.: Hjalti Rögnvaldsson

Signý hugsar til baka og sér sjálfa sig á yngri árum. Hún var ástfangin af Alla, en hann fór á sjóinn og kom ekki til baka. Stutt en stór saga um ástina og sambúðina við sjóinn sem hefur valdið straumhvörfum í lífi fólks kynslóð eftir kynslóð.

87 bls.

Dimma

SVK



Þitt annað líf hefst þegar þú uppgötvar að þú átt bara eitt

Raphaëlle Giordano

Þýð.: Ólöf Pétursdóttir

Camille býr í París með manni og syni, fertugsafmælið nálgast og henni leiðist. Allt hjakkar í sama fari ár eftir ár. En þá birtist Claude, heillandi og uppátækjasamur, og býðst til að hjálpa henni að umbylta lífi sínu. Hvert skyldi það leiða hana? Gamansöm og óvenjuleg saga; sannkölluð sjálfshjálparbók sem vísar veginn til lífs- gleðinnar!

233 bls.

Forlagið – Vaka-Helgafell

KIL

RAF



Þorsti

Jo Nesbø

Þýð.: Halla Kjartansdóttir

Kona finnst látn í íbúð sinni í Osló eftir Tinderstefnu-mót. Líkið er blóðlaust og brátt fylgja fleiri morð í kjölfarið. Lögreglan er ráðþrota og aðeins einn maður getur hjálpað, Harry Hole! Hann er sestur í helgan stein en tekur slaginn þegar ástvinum hans er ógnað. Þetta er ellefta sagan um kappann og margir telja hana þá bestu.

583 bls.

Forlagið – JPV útgáfa

KIL

RAF



Þríleikurinn

Jon Fosse

Þýð.: Hjalti Rögnvaldsson

Þríleikurinn *Andvaka, Draumar Ólafs og Kvöldsýfja* færði höfundinum Bókmenntaverðlaun Norðurlandaráðs 2015. Sannkallað meistaraverk um ævi og örlög alþýðufólks í Noregi fyrr á tímum.

218 bls.

Dimma

SVK EÚT



Þú og ég og allt hitt

Catherine Isaac

Þýð.: Halla Sverrisdóttir

Fyrir tíu árum sleit Jessica sambandi við Adam og hefur alið son þeirra upp ein. En móðir hennar sannfærir hana um að drengurinn þurfi á föður að halda og mæðginin fara til Frakklands, þar sem Adam rekur hótél. Þar þarf Jessica að horfast í augu við fortíð og framtíð og meta lífið upp á nýtt. Saga um ást og fjölskyldubönd, harmleik, kvíða og von.

412 bls.

Forlagið – JPV útgáfa

KIL RAF



Þrylluránið

Jonas Bonnier


Þýð.: Eyrún Edda Hjörleifsdóttir

Stokkhólmur, 2009: Bírafærir þjófar rændu þyrlu, lentu henni á þaki peningageymslu, brutust inn og komust undan með einn stærsta ránsfeng í sögu Svíþjóðar – og lögreglan horfði á en gat ekkert gert ... Jonas Bonnier átti ítarleg viðtöl við ræningjana og hefur unnið úr þeim hörkuspennandi og vel fléttaða sögu sem er ótrúlegri en nokkur skáldsaga.

453 bls.

Forlagið – JPV útgáfa

KIL RAF



Dauðinn í veiðarfæraskúrnum

Elísabet Jökulsdóttir

Elísabet Jökulsdóttir hefur sent frá sér ljóðabækur og önnur skáldverk sem hlotið hafa góðar viðtökur og síðasta bók hennar, *Enginn dans við Ufsaklett*, hlaut Fjöruverðlaunin og var tilnefnd til Bókmenntaverðlauna Norðurlandaráðs. Hér yrkir hún um síðustu dagana í lífi móður sinnar, Jóhönnu Kristjónsdóttur, ástvinamissi, tilfinningar og sambönd.

48 bls.

Forlagið – JPV útgáfa

SVK



Eldgos í aðsigi

Imminent Eruption

Vala Hafstað

„Að koma heim eftir þrjátíu ár/er eins og að mæta á grímuball“, skrifar Vala Hafstað, sem bjó í Bandaríkjunum í þrjá áratugi áður en hún fluttist aftur heim. *Eldgos í aðsigi* er önnur ljóðabók Völu, en þar að auki hefur fjöldi ljóða hennar birst á netinu. Í þessari tvítyngdu bók lýsir hún umskiptunum frá bandarísku úthverfi í íslenskan veruleika þar sem óbeisluð náttúruöflin endurspegla oft lífið sjálft.

106 bls.

Bókaútgáfan Sæmundur

KIL



Jökulhvörf

Kári Tulinius

Kári Tulinius sendir að þessu sinni frá sér ljóðabókina *Jökulhvörf*. Áður hafa komið út eftir hann skáldsögurnar *Píslarvottar án hæfileika* (2010) og *Móðurhugur* (2017). Kári er einn af stofnendum Meðgönguljóða. Í *Jökulhvörfum* er ort um mátt náttúrunnar, mennskuna, ástina og lífið.

56 bls.

Forlagið – JPV útgáfa

SVK RAF



Tregahandbókin

Magnús Sigurðsson

Hér ægir saman frumsömdum ljóðum og prósum, launföndum hugrenningum og lánstextum sem mynda frumlega og yfirgrípsmikla heild. Í 250 liðum er vörðuð hin villugjarna leið um tregaslóðir hugans.

104 bls.

Dimma

IB



Vetrarland


Valdimar Tómasson

Valdimar Tómasson hefur áður sent frá sér nokkrar ljóðabækur sem hafa hlotið góðar viðtökur og ratað til lesenda. Hér yrkir hann fáuð ljóð um draumkennt vetrarmyrkur og hyldýpi næturinnar.

28 bls.

Forlagið – JPV útgáfa

SVK



Villimaður í París

Þórunn Jarla Valdímarsdóttir

Myndir: Eggert Þór Bernharðsson

Villimaður í París er þriðja ljóðabók Þórunnar. Þetta eru Parísarljóð innblásin af dvöl þeirra hjóna, Þórunnar og Eggerts Þórs, við Signubakka vorið 2013. París er skoðuð með augum ljósmyndarans Eggerts og sögulegri sýn Þórunnar. Bókin er tileinkuð Eggerti (1958–2014).

80 bls.

Forlagið – JPV útgáfa

SVK

Fræði og bækur almenns efnis



104

Jóhannes Sigurjónsson

Hér segir m.a. frá tugthúslimum í stjórn Kþ, Heiðari bómudrelli, drulludelum í Skúlagarði, bremsulausum Lúther, Alla Geira, Lenín á Rauðatorginu, Þórhalli í fimmtugri skyrtu, The Everyhole brothers í Öxarfirði, lærleggjaspugsemi séra Sighvats, glæpakvendi á Hjarðarhólum og er þá fátt eitt upptalið. Þessa bók verður bara að lesa.

88 bls.

Bókaútgáfan Hólar

VÆNTANLEG 10. MAÍ

KIL



Bætt melting – betra líf

Michael Mosley

Þýð.: Guðni Kolbeinsson

Meltingin er grunnur allrar starfsemi líkamans og hefur áhrif á líkamlega og andlega heilsu. Hér fer lækinn Michael Mosley, höfundur bókanna 5:2-mataræðið og 8 vikna blóðsykurkúrinn, í ferðalag um meltingarveginn, skýrir starfsemi hans og mikilvægi heppilegs mataræðis. Í bókinni er fjöldi uppskrifta að gírnilegum réttum sem bæta meltinguna.

299 bls.

Forlagið – Vaka-Helgafell

SVK RAF



Ekki gleyma mér

Kristín Jóhannsdóttir

Kristín Jóhannsdóttir hélt til náms austur fyrir járn-tjald árið 1987. Í tvo áratugi sat hún á sér en gat svo ekki meir. Hafði maðurinn sem hún elskaði bara verið Stasínjónnari?

„Spennandi og rígheldur lesandanum, ekki hvað síst vegna sögu elskendanna og örlaga þeirra.“ BB, Fréttablaðinu

270 bls.

Bjartur

KIL EÚT



Ég er Malala

Malala Yousafzai

Þýð.: Katrín Harðardóttir

Þegar talíbanarnir náðu völdum í Swat-dalnum neitaði Malala Yousafzai að láta þagga niður í sér, bardist fyrir skólagöngu stúlkna og var hún nærri búin að gjalda fyrir það með lífi sínu. Hún var skotin í höfuðið á leið heim úr skólanum og fáir hugðu henni líf. En bati Malölu var upphafið á ótrúlegu ferðalagi frá afskekktum dal í Norður-Pakistan til salarkynna Sameinuðu þjóðanna í New York. Malala varð yngst allra til að hljóta Friðarverðlaun Nóbels og hún hefur haldið áfram baráttunni fyrir jöfnum rétti til menntunar allar götur síðan.

400 bls. / 11:40 klst.

Bókaútgáfan Salka

KIL EÚT HLB
Hljóðbók frá Storytel



Fornar ferðaleiðir í Vestur-Skaftafellssýslu

Kirkjubæjarsstofa 1997–2017

Vera Roth

Hér segir af hetjudáðum og harmleikjum, ferðagörpum af báðum kynjum og á ýmsum aldri þar sem viðfangs-efnið eru hinar beljandi jökulár og skjóllausr eyðisandar. Hér er einnig að finna margháttaðan fróðleik um lífshætti og sögu héraðsins. Bókina prýðir mikill fjöldi ljósmynda og korta. Hún er gefin út í tilefni af 20 ára afmæli Kirkjubæjarsstofu.

270 bls.

Bókaútgáfan Sæmundur

IB



Fornar hafnir

Útver í aldanna rás

Karl Jeppesen

Ljósmyndir og frásagnir af 160 verstöðvum á Íslandi. Ferðalagið hefst á Horni og síðan liggur leiðin allt í kringum landið. Áningarstaðirnir eiga það allir sameiginlegt að þaðan reru forfeður okkar í landinu til fiskjar. Höfundur á að baki farsælan feril sem ljósmyndari og kvikmyndagerðarmaður. Bók þessi er glæsilegur gripur með yfir 550 litmyndum.

320 bls.

Bókaútgáfan Sæmundur

IB



Forystu-Flekkur

Rittstj. Einar Sæmundsen

Fallegar dýrasögur úr gamla bændasamfélaginu sem lýsa ástríku sambandi manna og dýra sem og einstökum vitsmunum málleysingjanna. Sögurnar eiga það sameiginlegt að vera reynslusögur höfunda af samskiptum sínum við dýrin. Sögur sem láta engan ósnortinn og eiga erindi við unga sem aldna. Falleg endurútgáfa.

144 bls.

Bókaútgáfan Sæmundur

VÆNTANLEG Í JÚNÍ

IB EÚT



Gleðilega fæðingu

Velliðan, valkostir og verkjastilling í fæðingu

Aðalbjörn Þorsteinsson, Hildur Harðardóttir og Þorbjörg Marinósdóttir

Rannsóknir sýna að allar fæðingarundirbúningur styrkir verðandi foreldra, dregur úr kvíða og eykur líkur á jákvæðri upplifun af fæðingunni. Hér er fjallað um aðdraganda fæðingar og valkosti þegar kemur að fæðingarstöðum. Í seinni hluta bókarinnar er fjallað ítarlega um ólíkar leiðir til að lina fæðingarverki, ekki síst mænurótardeyfinu. Auk Þorbjargar Marinósdóttur eru höfundar Hildur Harðardóttir fæðingarlæknir og Aðalbjörn Þorsteinsson svæfingarlæknir.

136 bls.

Forlagið – Vaka-Helgafell

SVK



Helguleikur

Saga Helgu Ingólfsdóttur og Sumartónleika i Skálholtskirkju

Kolbeinn Bjarnason

Rittstj. Möður Árnason

Hér segir frá semballeikaranum Helgu Ingólfsdóttur, Sumartónleikum í Skálholtskirkju og sögu barokktónlistar á Íslandi. En einnig frá alþjóðlegum straumum í tónlist frá Bach til Boulez. Lesandinn er leiddur inn í heillandi sögu frumherja í tónlistarstarfi sem gerðu jafnvel Bach að Biskupstungnamanni. Bókinni fylgja sex hljómdiskar með leik Helgu.

458 bls.

Bókaútgáfan Sæmundur

IB

VÆNTANLEG Í JÚNÍ



Inniræktun matjurta

Zia Allaway

Þýð.: Helga Jónsdóttir

Hér er sýnt í máli og myndum hvernig hægt er að rækta ýmislegt ætílegt innan veggja heimilisins, svo sem grænmeti, kryddjurtir og ávexti. Einnig eru í bókinni ótal ráð og leiðbeiningar um hvernig búa má til aðstöðu og ílát fyrir ræktun.

222 bls.

Forlagið – Vaka-Helgafell



Kraftbjór

Euan Ferguson

Þýð.: Hafsteinn Thorarensen

Heimsins bestu brugghús opna bækur sínar í fyrsta sinn, auka úr viskubrunni sínum og deila uppskriftum svo að þú getir orðið heimsclassa heimabrugari. Fleiri en 60 uppskriftir frá Brewdog, Mikkeller, Evil Twin, Omnipollo, Beavertown, Lagunitas, íslensku brugghúsunum og mörgum fleiri. Skyldueign bjóráhugamanna.

226 bls.

Bókaútgáfan Salka

IB



Íslensk-ensk viðskiptaorðabók

Þórir Einarsson og Terry G. Lacy

Í þessari veglegu og gagnlegu bók eru um 17.500 uppflettiorð og 10.000 máldæmi. Orðaforðinn byggist á öllum helstu sviðum almennra viðskipta, svo sem fjármálum, hagfræði, lögum, stjórnun og tryggingum. Bókin kemur nú út í annað sinn, mikið aukin og endurskoðuð, og er nauðsynleg öllum sem vinna með íslenskt og enskt viðskiptamál.

512 bls.

Forlagið

IB EÚT



Íslenska kraftaverkið

Á bak við tjöldin

Þórgímur Þráinsson

Í þessari áhugaverðu og skemmtilegu bók dregur Þórgímur Þráinsson upp einstakar svipmyndir af lífinu á bak við tjöldin hjá íslenska landsliðinu í knattspyrnu, og sýnir „strákana okkar“ í sigrum og ósigrum, gleði og sorgum, hjátrú og hefðum. Fjöldi áður óbirtra ljósmynda prýðir bókina.

224 bls.

Bjartur

KIL



Íslenskar rúnir

1000 ára saga

Teresa Dröfn Freydsdóttir Njarðvík

Áður en latneskt skrifletur og bókmenning barst í Norðurálfuna voru rúnir notaðar sem letur. Rúnir voru notaðar á breiðu svæði í Evrópu, yfir langan tíma, og eru til í mörgum svæðisbundnum afbrigðum. Á Íslandi voru rúnir notaðar frá landnámi og áfram fram undir 19. öldina miðja, við sérstök tilefni. Á Íslandi þróaðist sér íslenskt rúnakerfi sem hélt velli langt fram eftir öldum. Hér er saga og þróun hinna íslensku rúna, notkun þeirra og menningarlegt gildi rakin í stuttu máli fyrir almenning.

60 bls.

Almenna bókafélagið



Konan sem át fíl og grenntist (samt)

Margrét Guðmundsdóttir


Það á ekki að vera leiðinlegt að lesa um það sem skiptir máli. Frábærlega vel skrifuð bók um baráttuna við auka-kílóin. Í ljós kemur að hún snýst um hormón, frekar en hitaæiningar. Það hafði þá aldrei vantað viljastyrk til að léttast – heldur mataræði sem hentaði líkamanum.

128 bls.

Folda

KIL

IB



Laggó!

Gamansögur af íslenskum sjómönnum


Guðjón Ingi Eiríksson

Lási kokkur „hefur vaðið fyrir ofan sig“. Ingvi Mór heldur ekki framhjá. Oddur spekingur „gerir við“ og Þórhallur Þorvalds er í fríi. Guðni Ölvers lætur aðra borga bílinn, Ása í Bæ vantar tennur og Jón Berg hrekkir sem aldrei fyrr. Guðmundur Halldórs tekur hótunum Árna Matt illa og bræðurnir Jónas og Bóas frá Reyðarfirði láta til sín taka. Svo fer Túlli með ungan son sinn á sjó og heldur um það dagbók. Stráksi var ekki efni í sjómann, en varð síðar áberandi í sinni listgrein. Já, hver er pilturinn?

96 bls.

Bókaútgáfan Hólar

KIL



Landkostir

Úrval greina um sambúð lands og þjóðar, 1927–1984

Halldór Laxness

Halldór Laxness var alla tíð ötull samfélagsrýnir og skrifaði ókjörlug flugbeittra pistla og greina samhliða skáldskapnum. Meðal þess sem hann fjallaði oft um var náttúran og umgengni við hana. Hér er birt úrval úr því sem hann skrifaði um þetta efni á löngu árabili – greinar sem allar eiga erindi við samtímann, hver á sinn hátt. Halldór Þorgeirsson valdi.

215 bls.

Forlagið – Vaka-Helgafell

KIL RAF



Prjónafjlagið

Leikskólaföt 2

Eva Mjöll Einarssdóttir, G. Dagbjört Guðmundsdóttir,

Heiðrún Erla Guðbjörnsdóttir og Sigurlaug Elín

Þórhallsdóttir

Myndir: Íris Dögg Einarssdóttir

Úrval prjónauppskrifta fyrir börn á leikskólaaldri.

Meðal efnis eru uppskriftir að sokkum, húfum, vettlingum, peysum og prjónagöllum. Fjölbreytt verkefni fyrir byrjendur og lengra komna prjónara.

72 bls.

Forlagið – Vaka-Helgafell

SVK



Mið-Austurlönd

Fortíð, nútíð og framtíð

Magnús Þorkell Bernharðsson

Fréttir af stríðshörmungum, kvennakúgun, misskiptingu og neyð í Mið-Austurlöndum berast reglulega og víglínurnar færast sífellt nær okkur – hryðjuverk og straumur flóttafólks þaðan meinar okkur að loka augunum fyrir ástandinu. Um leið er ljóst að ýmis vandamál Mið-Austurlanda eiga rætur í tíðum og víðtækum afskiptum Vesturlanda. Því er mikilvægt að fá í hendur yfirlitsrit þar sem fjallað er um helstu atburði í heimshlutanum af fordómaleysi og yfirgripsmikilli þekkingu.

394 bls.

Forlagið – Mál og menning

SVK RAF



Norðlingabók I-II

Úr íslensku þjóðlífi

Hannes Pétursson

Hannes Pétursson er eitt helsta skáld þjóðarinnar. *Norðlingabók* er safn þjóðlegra sagnabátta hans þar sem skáldið og fræðimaðurinn glæðir minnisverðar frásagnir úr heimildum og sögnum nýju lífi með orðsnilld sinni og stílfimi.

876 bls.

Bjartur og Bókautgáfan Opna

IB



Núvitund

Hagnýt leiðsögn til að finna frið í hamstola heimi

Mark Williams og Danny Penman

Þýð.: Guðni Kolbeinsson

Bók sem kennir þér einfalda aðferð til slökunar og hugleiðslu, með æfingum til að rjúfa vítahring kvíða og streitu og öðlast lífsgleði, vellíðan og kjark. Gagnleg fyrir alla sem finnst erfitt að standa undir kröfum nútímans um athygli og árangur. Það þarf aðeins fáeinar mínútur á dag til ná betri stjórn á lífinu og öðlast innri ró.

287 bls.

Forlagið – Vaka-Helgafell

SVK



Sigraðu sjálfan þig

Þriggja vikna áskorun fyrir venjulegt fólk sem vill meira

Ingvar Jónsson

Einstök bók sem getur liðsinnt öllum þeim sem hafa hug á að brjóstast úr fari vanans, stefna hærra og sækja lengra – hvort heldur er í starfi eða einkalífi. Byggt er á hugmyndafræði markþjálfunar og unnið með fjölmörg verkfæri sem auðvelda lesandanum að ná markmiðum sínum og sigra sjálfan sig.

199 bls.

Forlagið – Vaka-Helgafell

SVK



Stalín – ævi og aldurtíli

Edvard Radzinskij


Þýð.: Haukur Jóhannsson

Ítarlegust og merkest af öllum þeim fjölda ævisagna sem komið hafa út um hinn goðumlíka harðstjóra. Bókin er afrakstur af eigin reynslu höfundar og áratuga rannsókna. Hér koma fram ýmis áður óþekkt atriði, s.s. trúarlegar vísanir í harðstjórn Stalíns, undirbúningur þriðju heimsstyrjaldarinnar og að lokum frásagnir af dularfullum dauða Stalíns.

708 bls.

Bókautgáfan Sæmundur

SVK



Súrkál fyrir sælkera

Dagný Hermannsdóttir


Myndir: Gunnar Sverrisson og Halla Bára Gestsdóttir

Súrkál og sýrt grænmeti nýtur æ meiri vinsælda, enda verður fólki sífellt ljósara að gerjað grænmeti getur stórbætt meltinguna og eflt heilsuna – auk þess sem það er bragðgott og gefur matnum nýjan keim. Súrkálsdrottningin Dagný Hermannsdóttir miðlar hér af þekkingu sinni og uppskriftum og gefur góð ráð um allt sem lýtur að súrsun grænmetis.

104 bls.

Forlagið – Vaka-Helgafell

IB



Tólf lífsreglur

Mótefni við glundroða

Jordan Peterson

Þýð.: Herdís Hübner


Á skömmum tíma hefur kanadíski sálfræðiprófessorinn Jordan Peterson komist í hóp áhrifamestu fræðimanna samtímans. Bók hans Tólf lífsreglur er ein mest selda bók þessa árs í bæði Bandaríkjunum og á Bretlandi.

Athyglisvert er hve fólk leggur djúpt við hlustir þegar hann fjallar um persónulega ábyrgð – en það atriði er í raun rauði þráðurinn í þessari bók sem kemur út í lok maí.

400 bls.

Almennna bókafélagið

KIL



Um harðstjórn

Tuttugu lærdómar sem draga má af tuttugustu öldinni

Timothy Snyder

Þýð.: Guðmundur Andri Thorsson

Saga Evrópu á síðustu öld segir okkur að þjóðfélög geta molnað, lýðræði getur brugðist, siðareglur brotnað og venjulegt fólk getur framið skelfileg grimmdarverk. En þegar grunnþáttum þjóðfélagsins er ógnað eigum við þess kost að læra af sögunni og berjast gegn framgangi harðstjórnar. *Um harðstjórn* er sjálfshjálparbók fyrir lýðræðið – hnitmíðuð og tímabær úttekt á stöðu heims-mála.

156 bls.

Forlagið – Mál og menning

SVK

RAF



Við matreiðum

Grundvallarrit í sérhvert eldhúsi

Anna Gísladóttir og Bryndís Steinþórsdóttir

Bókin hefur að geyma fjölbreytt úrval hefðbundinna og nýrra uppskrifta auk hagnýtra upplýsinga um matargerð. Leitast er við að hafa réttina einfalda og fljótlega en jafnframt næringarríka. Þetta er endurskoðuð útgáfa bókarinnar, en hún kom fyrst út 1976 og hefur alla tíð notið fádæma vinsælda.

336 bls.

ÍÐNÚ útgáfa

SVK



Víkingur

Sögubrot af aflaskipi og skipverjum

Haraldur Bjarnason

Togarinn Víkingur AK-100 kom nýsmíðaður til Akraness frá Þýskalandi árið 1960. Skipinu var síðar breytt í nótaskip og var eitt aflahæsta skip íslenska flotans í áratugi. Í bókinni er fjallað um aðdragandann að smíði skipsins og nokkrir af skipverjunum segja sögu þess í rúma hálfa öld. Bókin er ríkulega myndskreytt og í raun hluti af útgerðarsögu landsmanna síðustu áratuginna.

157 bls.

Bókautgáfan Hólar

IB



Þjónn verður leiðtogi

Robert K. Greenleaf

Þýð.: Róbert Jack

Í bókinni lýsir höfundurinn grunnhugmyndum sínum um þjónandi forystu, veitir innsýn í hugmyndafræðina og varpar fram dæmum sem sýna hvernig þjónandi forysta birtist í samfélaginu og í daglegum störfum stjórnenda og leiðtoga. Þekkingarsetur um þjónandi forystu gefur bókina út í samstarfi við ÍÐNÚ.

105 bls.

ÍÐNÚ útgáfa

KIL